

## ESKABIDEA BETETZEKO JARRAIBIDEAK

Bete datuak hemen dituzun argibideak jarraituz:

0 atala administrazioak beteko du.

Zenbakizko datuak eskuinera doituko dira; hartara, hutsik utzi behar den laukitxorik izanez gero, ezkerrekoak utziko dira hutsik.

NANaren laukitxoa betetzeko adibidea: 

									Z
--	--	--	--	--	--	--	--	--	---

  
LETRA

**ESKATZAILEAREN DATUAK:** adingabearen zaintza eta babesa esleituta dituen eta adingabe hori zaintzeko eszedentzia edo lanaldi-murrizketa hartu duen pertsona da -aita edo ama, hartzailea edo tutorea -.

- NAN/ANT: eskatzaileak espainiar herritartasuna badu, NAN-zenbakia idatzi beharko da, eta ez badu, ANT-zenbakia.
- Familia-helbidea: atal honetan adierazten den helbidea jakinarazpenak bidaltzeko ere erabiliko da.

**EZKONTIDEAREN EDO BIKOTEKIDEAREN DATUAK:** eszedentzia edo lanaldi-murrizketa eskatzeko arrazoia den seme edo alabaren beste gurasoaren datuak dira: hau da, adingabearen beste aita edo ama, hartzaile edo tutorearenak.

**FAMILIA-UNITATEARI BURUZKO DATUAK:** adierazi familia-unitatea edo familia-unitateko kideren bat egoera hauetakoren batean dagoen: familia ugaria, familia gurasobakarra, genero-indarkeriaren biktima, desgaitasun- edo mendekotasun-egoeran.

Familia gurasobakartzat jotzen dira seme-alabak ekonomikoki eskatzailearen mendeko soilik diren familia-unitateak.

**FAMILIA-UNITATEAN BIZI DIREN SEME-ALABEI BURUZKO DATUAK:** familia-unitatean bizi diren seme-alaba guztien berri eman behar da. % 33ko edo gehiagoko desgaitasuna edo mendetasuna badu haietakoren batek eta erakunde eskumendunak onartuta badu desgaitasun edo mendekotasun hori, atal honetan alegatu beharko da eta agiri bidez egiaztatu.

**ESKOLA-OPORRALDIAK:** Eskola-oporraldietan baliatutako eszedentziak eta murrizketak.

- Aste Santuko eskola-oporraldia: Ostegun Santuaren aurreko astelehenetik Pazko Astelehenaren ondoko igandera bitarteko bi aste osoak.
- Udako eskola-oporraldia: ekainaren 1etik irailaren 30era bitarteko aldia, bi egun horiek barne.
- Gabonetako eskola-oporraldia: abenduaren 21etik hurrengo ekitaldiko urtarrilaren 9ra bitarteko aldia, bi egun horiek barne.

**JAKINARAZPENETARAKO DATUAK:** eskatzaileak oharrak eta jakinarazpenak jasotzeko hautatu duen modua.

**HIRUGARRENEI ALTA EMATEKO FITXA:** eskabidearekin batera nahitaez aurkeztu behar den agiria da, eta dirulaguntza zer kontutan kobratu nahi den adierazteko balio du.

Kontua zer banku-erakundetan duzun, eskabideari erantsitako eruedetako bat aukeratu beharko duzu, zure banku-erakundea hauetakoren bat den edo ez kontuan hartuta: KUTXABANK, LABORAL KUTXA, BANKOIA, CAIXABANK, BBVA edo BANCO SANTANDER, POPULAR, SABADEL edo CAJA RURAL DE NAVARRA.

## ESKAERAK AURKEZTEKO TOKIA

Eusko Jaurilaritzaren Herritarrentzako Zerbitzuaren bulegoetan (Zuzenean Zerbitzua) aurkez daiteke eskabidea.

**ZUZENEAN** zerbitzuaren bulegoak daude:  
01005 Vitoria-Gasteiz, Ramiro Maeztu kalea,10  
48011 Bilbo, Kale Nagusia 85  
20004 Donostia, Andia kalea 13

ZUZENEAN, Herritarrentzako Zerbitzuaren informazio-telefonoa: 012

Eskabidea elektronikoki ere aurkez daiteke: [www.euskadi/familia](http://www.euskadi/familia)

Administrazio Publikoaren Administrazio Prozedura Erkidearen urriaren 1eko 39/2015 Legearen 16.4. artikulua zehaztutako organoen aurrean ere aurkez daiteke.

- Zuzentzen zaion administrazio edo organismoaren erregistro elektronikoa, eta 2.1 artikuluan aipatzen diren subjektuetako edozeinen erregistro elektronikoa.
- Posta-bulegoetan, araudiz ezarritako eran.
- Espainiak atzerrian dituen diplomaziako ordezkarietan edo kontsuletxeetako bulegoetan.
- Erregistro-gaietan laguntzeko bulegoetan.

## **ESKABIDEAK AURKEZTEKO EPEA**

ESKAERAK AURKEZTEKO EPEAREN HASIERA. Lanaldi-murrizketan edo eszedentzian 59 egun segidan igaro ondoren.

Epe hori ez-segidakoa izan daiteke, egoera hauetan:

- Aldizkako kontratu finkoa izanez gero.
- Eskatzailea enplegu-erregulazioko espediente baten eraginpean badago.
- Eskatzaileak, diruz laguntzeko jarduna izan den bitartean, greba-eskubidea baliatu badu.
- Eskatzaileak soldatarik gabeko baimen bat hartu badu.
- Eskatzaileak semearen edo alabaren eskola-egokitzapenerako eszedentzia edo lanaldi-murrizketa hartu badu.
- Eskatzaileak semearen edo alabaren eskola-oporraldietarako eszedentzia edo lanaldi-murrizketa hartu badu.

Baliatzen denetik urtebete igaro baino lehen eskatu behar da diruz lagundu daitekeen jardunean emandako lanaldi bakoitzari dagokion laguntza.

Eskaera epez kanpo aurkezten bada (hau da, baliatu zenetik 365 egun baino gehiago igaro badira), ez da adierazitako epetik kanpoko egunei dagokien laguntzarik emango.

ADIBIDEA:

MURRIZKETA / ESZEDENTZIA EGOERAREN HASIERA	ESKAERAK AURKEZTEKO EPEA	
2019ko abuztuaren 1a	2019ko irailaren 29tik aurrera	2020ko abuztuaren 1era bitarte
2019ko apirilaren 1a	2019ko maiatzaren 30etik aurrera	2020ko apirilaren 1era bitarte

• Dirulaguntza epea amaitu eta egun bat geroago eskatuko balitz (lehenengo adibidean, 2020ko abuztuaren 2an), egun bati dagokion zenbatekoa soilik galduko litzateke. Abuztuaren 3an eskatuko balitz, bi egun galduko lirateke, eta horrela, hurrenez hurren.

OSO GARRANTZITSUA

Hurrengo laguntza-eskaerak (JARRAIPEN-ESKABIDEAK) azken dirulaguntza-eskabidea aurkeztu zenetik GUTXIENEZ LAU HILABETE igarotakoan aurkez daitezke, azken aldiari dagokion eskabidea den kasuan izan ezik.